

積學齋叢書

第
冊



水經釋地卷五

曲阜孔繼涵誦孟

淮水

淮水出南陽平氏縣胎簪山

晉太康中分屬義陽邵附屬淮安郡唐屬唐州宋廢
元復至正間省入唐縣在唐縣東南平氏保

東北過桐栢山東過江夏平春縣北

陳芳績曰未詳所自繼涵案地理志江夏十四縣有
鍾武無平春郡國志十四城有平春侯國無鍾武或即

鍾武更名歟宋書云晉孝武更平陽屬義陽郡隋開
皇初更名義陽後廢漢鍾武廢縣在今信陽州西南

又東過新息縣南

古息國漢屬汝南郡後漢析置褒信縣寰宇記曰本
鄆縣地光武分立宋分南北二縣齊併唐初屬息州
後屬蔡州金屬息州元省入息州明洪武四年州爲
息縣屬潁州十四年屬光州

又東過期思縣北

古蔣國漢屬汝南郡魏文帝分屬弋陽郡唐省在今
固始西北七十里

又東過原鹿縣南

後漢屬汝南郡晉屬汝陰後無陳芳績曰未詳所自
繼涵按郡國志卽宋鹿上杜預曰原鹿縣也陰識傳

建武十五年封識爲原鹿侯

汝水從西北來注之又東過廬江安豐縣東北

漢屬六安國後漢屬廬江郡三國時改爲安豐郡治
梁天監元年遷于射鵠村隋屬淮安郡開皇元年遷
于芍波唐屬壽州明省在今壽州南六十里

決水從北來注之又東北至九江壽春縣西

漢曰壽春邑後漢去邑字三國揚州淮南郡治東晉
避鄭后諱改壽陽宋改曰睢陵大明六年復唐爲壽
州治宋屬壽春府元屬安豐路明洪武元年省入壽
州中都志云壽州西四十里有廢縣

泚水泄水合北流注之又東潁水從西北來注之又東

過壽春縣北肥水從縣東北流注之

酈注云淮水于壽春縣西北肥水從城而北入于淮
謂之肥曰淮水又右納洛川于西曲陽縣北經所謂
淮水逕壽春縣北肥水從縣東北注者也蓋經之謬
矣是曰洛澗非肥水也

又東過當塗縣北

古塗山國漢屬九江郡三國時荒廢晉太康九年復
置屬淮南郡南北時爲荊州郡唐武德七年省入鍾
離在今懷遠縣東南三里

過水從西北來注之又東過鍾離縣北

漢屬九江郡晉安帝時爲鍾離郡治宋書云流寓因

配晉鍾離縣卽此地也按宋齊魏俱有燕縣而無鍾離想燕卽鍾離但未知何時改復何時復又按宋大明中遷治于城西四里爲今臨淮縣唐濠州治明洪武三年改名中立是年十二月又改名臨淮屬鳳陽府陳芳績曰春秋時爲鍾離于國後屬于楚魯成公五年叔孫僑如會吳于鍾離昭公四年楚蒧尹宜咎城鍾離二十三年吳人伐州來楚遠越帥師及諸侯之師奔命救州來吳人禦諸鍾離二十四年吳滅巢及鍾離而還則鍾離互爲吳楚邊邑

又東北至下邳淮陰縣西

漢武帝置屬臨淮郡後漢永平十五年更臨淮爲下

邳國曹魏屬廣陵郡宋末東平郡領四縣僑治于此
屬臨淮郡北齊改曰懷恩爲淮州淮陰郡治隋書云
北齊併魯富陵爲懷恩後因改曰壽張隋開皇初復
曰淮陰大業初併入山陽唐武德七年省乾封三年
析山陽復置屬楚州宋紹興五年廢爲鎮元省入山
陽

泗水從西北來流注之又東過淮陰縣北中瀆水出白
馬湖東北注之又東兩小水流注之又東至廣陵淮浦
縣入海

漢屬臨淮郡後漢永平十五年更臨淮爲下邳國其
改屬廣陵則未詳何時晉屬廣陵郡宋屬臨淮郡齊

建武二年省

汝水

汝水出河南梁縣勉鄉西天息山

漢屬河南郡東魏立北荊州及汝北郡治周和州治
隋并屬襄城郡寰宇記謂改承休誤也唐貞觀元年
省入承休又更承休曰梁在今汝州西南四十五里
東南過其縣北又東南過潁川邠縣南

秦置屬潁川郡後漢省曹魏復置屬汝城郡晉屬襄
城郡北魏曰峽城屬廣州南陽郡北齊省隋開皇初
更曰汝南十八年又更曰輔城大業四年又更曰邠
城元至元三年省入梁爲鎮大德八年復置明曰邠

縣

又東南過定陵縣北

繼涵案地理志潁川郡有定陵縣爲春秋東不羹城
魏改爲北舞郡治隋爲北舞縣屬潁川唐貞觀初廢
在今舞陽北六十里汝南郡亦有定陵縣云高陵山
汝水出東南至新蔡入淮過郡四行千三百四十里
据酈注滎水注此是潁川之定陵

又東南過鄆縣北

漢屬潁川郡宋元嘉二年將軍劉緬說曰城有百年
之積若北朝保之未可敵也遂遣殷孝祖焚其倉糧
縣遂廢魏以其地入曲陽齊天保七年于此置臨潁

郡隋開皇初復置名鄆城十六年置道州大業初廢
屬潁川郡唐武德四年爲道州治後改屬蔡州潁州
終屬許州今仍

又東南過汝南上蔡縣西

宋汝南郡及司州治魏豫州及汝南郡治陳芳績曰
按宋魏州郡俱治懸瓠城乃上蔡之別城也疑其時
上蔡縣亦移治之否則郡縣各城唐初省復置屬蔡
州元屬汝寧

又東南過平輿縣南

古沈子國漢屬汝南郡北齊廢隋復唐屬蔡州元省
入汝陽故城在今潁州府南百里

又東至原鹿縣南入于淮

滢水

滢水出南陽魯縣西之堯山東北過潁川定陵縣西北
又東過鄆縣南

酈注云滢水東逕西不羹亭南亭北背汝水于定陵
城北東入汝鄆縣在南不得過

東入于汝

濩水

濩水出濩陰縣西北扶予山

漢荊州南陽郡魏置舞陰郡又析舞陰置石馬縣後
訛上馬因改焉屬襄城郡隋改顯岡後廢唐武德四

年屬潁州後省在泌陽北六十餘里繼涵案漢地理志舞水出潁川郡舞陽南蓋各以所指而言也

東過其縣南又東過西平縣北

漢屬汝南郡唐貞觀元年省入鄆城尋復屬蔡州元屬汝寧府酈注云滎水于濩陰縣北在會濩水之道稍西不出其縣南

又東過鄆縣南又東過定潁縣北東入于汝

後漢屬汝南郡陳芳績曰疑是漢之汝南郡定陵縣

瀕水

瀕水出濩陰縣東上界山東過吳房縣南

古房子國吳夫槩王奔楚封于此故曰吳房漢屬汝

南郡魏更名遂甯屬豫州襄城郡隋大業初復名屬汝南郡唐貞觀元年廢八年復元和十二年平吳元濟更名遂平屬蔡州移治文城柵南新城宋南渡後爲吳房鎮金復元屬汝甯府

又東過濯陽縣南

漢屬汝南郡宋爲瞿陽隋大業初省入汝陽在今汝甯遂平界

又東過上蔡縣南東入汝

濯水

濯水出汝南吳房縣西北奧山東過其縣北入于汝

潁水

潁水出潁川陽城縣西北少室由

晉改屬河南郡魏孝昌二年爲陽城郡治隋開皇十
六年爲嵩州治大業初復屬河南郡唐萬歲登封元
年改曰告成後復屬河南府周顯德五年省入登封
在今登封縣北一里

又東南過其縣南又東南過陽翟縣北

禹所都漢爲潁川郡治三國時爲河南郡魏興和元
年爲陽翟郡治隋開皇六年屬嵩州大業三年改屬
襄城郡唐武德三年屬嵩州貞觀元年屬許州龍朔
二年屬洛州會昌三年復屬許州宋屬潁昌府劉豫
于此置潁順軍金大定二十三年爲順州治二十四

九卷地理卷五
年爲鈞州治明洪武初省入鈞州今爲禹州

又東南過潁陽縣西

漢屬潁川郡魏屬陽城郡隋屬汝陰郡唐貞觀元年
省入汝陰

又東南過潁陰縣西南

漢屬潁川郡魏貞君七年省入臨潁元象二年復屬
鄭州潁川北齊省入長社陳芳績曰通鑑注在陳州
西寰宇記在南頓西三十里今當在商水

又東南過臨潁縣南

漢屬潁川郡唐建中二年屬潁州貞元二年屬許州

又東南過汝南潁強縣北

三國後無隋開皇十六年置曰陶城大業初復屬潁川唐貞觀元年省入長社酈注云潁水又東逕潁陽城南潁強城在東北潁水不得逕其北也潁水又東南潁水入焉非洧水也西華縣北有習陽城潁水經其南經所謂洧水流注之也

洧水從河南密縣東流注之

古密國大駝山在其東卽具茨山晉泰始二年分屬滎陽郡北齊文宣徙治周屬滎州隋初屬鄭州寰宇記云大業十二年移于古法橋堡城唐武德三年爲密州治四年并屬鄭州龍朔二年改屬河南府宋崇寧四年改屬鄭州宣和二年復屬河南府元至正二

年改屬鈞州明屬河南府漢城在今縣東南三十里
北齊城在今縣東四十里

又東過西華縣北

漢屬汝南郡晉初省入長平永康元年復屬潁川後
屬陳郡隋開皇十八年更曰鴻溝大業初復名屬淮
陽郡唐武德元年更名箕城貞觀元年省入宛邱長
壽元年復置曰武城神龍元年又曰箕城景雲元年
復故名屬陳州

又南過汝陽縣北

漢屬汝南郡寰宇記云隋開皇十六年改爲澗水隋
志大業三年省入澗水屬淮陽郡唐建中二年屬澗

州興元二年屬陳州宋避宣祖諱改商水元末徙治
舊南頓

又東南過南頓縣北

漢屬汝南郡宋爲南頓郡治北齊改曰和城隋大業
初復名屬淮陽郡唐武德四年省入項城證聖元年
復置曰光武縣景雲元年復名屬陳州宋熙寧六年
省元祐元年復屬淮寧府金屬陳州元自汝陽界徙
商水縣于此仍屬陳州

滎水從西來流注之又東南至新陽縣北菑蕩渠水從
西北來注之又東南至慎縣東南入于淮

漢屬汝南郡晉屬汝陰郡宋屬南汝陰郡東魏爲南

梁郡治隋大業初于慎縣故地鄭城置汝陰郡改潁
上縣唐武德元年又徙治屬潁州金屬壽州元屬潁
州陳芳績曰在潁上西北六十里

潁水

潁水出潁強縣南澤中東入潁

潁水

潁水出河南密縣大騮山東南入于潁

洧水

洧水出河南密縣西南馬領山東南過其縣南又東過
鄭縣南洧水從西北來注之又東南過長社縣北

漢屬潁川郡隋開皇初改名潁川分其地置長葛縣

唐武德四年復名爲許州治宋潁昌府治金元許州

治明省入許州

又東南過新汲縣東北

漢屬潁川郡魏屬許昌郡隋省入扶溝在今扶溝縣西南二十里卽離下村

又東南過茅城邑之東北又東過習陽城西折入于潁
酈注在長平縣縣漢屬汝南郡後漢屬陳國酈注又
云洧水逕辰亭東杜預曰長平縣東南有辰亭今此
城在長平城縣西北長平城在東南或杜氏之謬繼
涵按郡國志長平東南有辰亭春秋之辰陵長平西
北有閭亭春秋之鬼閭閭田字聲俱近也酈所指者

殆鬼閻耳非杜謬也

澗水

澗水出鄭縣西北平地東過其縣北又東南過其縣東
又南入于洧水

決水

決水出廬江雩婁縣南大別山

三國分屬安豐郡晉仍以後無

北過其縣東又北過安豐縣東又北入于淮

泚水

泚水出廬江灑縣西南霍山東北

郡國志作潛誤也隋省元至治三年析懷甯置灑山

縣屬安慶路漢城在今廬江縣南二里

東北過六縣東北入于淮

漢屬六安國後漢曰六安屬廬江郡晉復名六後廢
梁天監四年析潯縣置曰岳山爲霍州岳安郡治隋
開皇初更名霍山屬廬江郡唐開元七年更名盛唐
縣宋政和八年改升六安軍明洪武中省入六安州

泄水

泄水出博安縣

漢曰博鄉屬九江郡

北過芍陂西與泚水合西北入于淮

肥水

肥水出九江成德縣廣陽鄉西

晉已後無

北過其縣西北入芍陂又北過壽春縣東北入于淮

施水

施水亦從廣陽鄉與肥水別東南入于湖

戴氏東原云肥水別三字近譌在前肥水章北過上

今改正

水經釋地卷五終

水經釋地卷六

曲阜孔繼涵誦孟

江水

岷山在蜀郡氏道縣

兩漢屬蜀郡縣有夷獠曰道徐宏祖溯江紀源云江河為南北二經流中國入河之水為省五入江之水

為省十一按其發源河自昆侖之南發于北者曰星

宿海佛經曰徒多河北流經積石東折入寧夏為河套又南

曲為龍門大河而與渭合發于南曰犁牛石佛經曰疏伽河

南流經石門關始東折而入麗江為金沙江又北曲

為敘州大江與岷山之江合按岷江經成都至敘不

及千里金沙江經麗江雲南烏蒙至敘二千餘里特

金沙江盤折蠻獠溪洞間水陸俱莫能溯在敘州者

祇知其水出馬湖烏蒙而不知上流之由雲南麗江

在雲南麗江者知其為金沙而不知其為出敘為江

源而雲南又有二金沙江一南流北轉即此江也

謂苑伽河一南流下海即怒江佛書曰信度河不第此也岷流之

南又有大渡河即鴉礮江西自吐番經黎雅與岷江合在

金沙江西北其源亦長于岷而不及金沙故推江源

者必以金沙為首李紱江源考昔人有以北金沙江

為江源在西番境內莫得其詳按方輿路程圖岷江

與金沙江會合于四川之敘州各自敘州逆溯其源

岷江源出岷山當北三十四度西十二度行五百餘里過黃勝關至松潘衛入四川境又南行五百里至茂州之長寧堡有黑水河來會又南行六百里經成都府西境至嘉定州青衣嘉定二江來會又二百餘里至敘州與金沙江合自發源至此僅一千八百餘里若北金沙江則發源于西番之阿克達母必拉必拉者江也當北三十二度半當西二十度經母魯斯烏蘇之拜圖都渾共南行千八百里過裏雍河屯始名金沙江又東南行九百里過塔城關至雲南麗江府又南行四百里至陶營巡檢司又東北行千里至雪山入四川境又北行千二百里有打冲河來會又

東行三百里至涼水井折而北行七百里又東行四
百里至馬湖府又東行二百里至敘州府與岷江合
自發源至此已六千九百餘里較岷江之源遠三四
倍凡水以源遠者爲主而源近者附之今自敘州會
合之處逆溯二江之源修短懸殊如此乃不以行六
千九百餘里者爲江源而以行一千八百里者爲江
源此理之必不可者也按黃河發源北三十六度當
西十九度與金沙江南北相距僅三度半東西則止
偏西一度而河源之南金沙江源之北皆高山聳峙
蓋卽所謂崑崙山也河源在崑崙之陰江源在崑崙
之陽而特徵偏西二百餘里也又有一源名鴉礪江

卽所謂打冲河與金沙江會合于馬湖西境者也鴉
礮亦發源于西番北境與青海南境接壤當北三十
四度西十八度與河源南北相距僅二度東一度中
阻高山蓋亦崑崙之陽而微偏東二百餘里者也其
源從平地湧出源泉百十道與星宿海相同西番人
名以查楚必拉蒙古人名以七察爾哈那眾泉會流
爲大川南行二十里沿途納東西大水十餘處經四
川西境始名鴉礮江又南行六百里入四川境過三
渡水始名打冲河西行三百里又南行五百里與北
金沙江合又一千六百里至敘州自發源計之共行
五千里較岷山之源亦幾至三倍而水勢甚大亦倍

于岷江以源之遠論當主金沙江以源之大論當主
鴉礮江然不如金沙爲確蓋金沙較鴉礮又遠千九
百里源遠則流無不盛者若岷江則斷斷然不得指
爲江源也又按江河並發源于崑崙河源在其北者
已東趨陝西又折而北直趨塞外鄂爾多斯又東行
千餘里然後折而南由延安入陝再折而東以入于
海江源在崑崙南亦東南行已與四川相近復南行
直趨雲南東行千餘里然後折而北由雪山入川再
折而東以入于海兩大川始而相背繼而相向有若
馱文亞字焉

大江所出東南過其縣北又東南過犍爲武陽縣

漢屬犍爲郡後漢犍爲郡治梁武靈王以武陽改置
靈石縣屬靈石郡隋改隆山唐初屬陵州貞觀八年
改屬眉州先天元年改彭山明洪武九年省入眉州
十三年復故城在彭山東十里

青衣水沫水從西南來合而注之又東南過夔道縣北
漢屬犍爲郡梁武帝加縣字周改曰外江隋復名唐
屬戎州會昌二年馬湖江水漂蕩隨州遷治北岸宋
政和四年更名宜賓敘州治元屬敘州路明屬敘州
府

若水淹水合從西來注之又東渚水北流注之又東過
江陽縣南

漢屬犍爲郡章武九年爲郡治梁大同中更名瀘川
元至元二十年省入瀘川

洛水從三危山東過廣魏雒縣南

漢屬廣漢郡後漢益州刺史治魏曰廣魏晉泰始二
年爲新都郡治宋復名唐爲漢州治元省入漢州

東南注之又東過符縣北

漢屬犍爲郡後漢更名苻節晉復名苻屬江陽郡隋
曰合江屬瀘川郡唐元和十二年遷治屬瀘州宋移
治安樂故城元立于神臂江南屬瀘州

邪東南鰭部水從符關東北注之又東北至巴郡江州

縣東

漢屬巴郡齊永明五年江州別遷又自涪州界陽關
移墊江治此周武成三年改墊江爲巴縣唐渝州治
宋屬重慶府

強水涪水漢水白水宕渠水五水合南流注之又東至
枳縣西

秦置屬巴郡晉桓溫伐蜀移治鄰溪口周保定二年
以故枳城立涪陵鎮隋開皇三年移漢平治枳城十
三年更名涪陵屬渝州唐屬涪州元至元二年省入
涪州

延江水從牂牁郡北流西屈注之

秦爲黔中郡元鼎六年開領縣十七陳芳績曰按烏

撒志云漢分置牂牁郡屬十七縣且蘭卽普安暨在馬湖夜郎卽播州句町卽臨安餘十三縣必與四縣參錯在貴州普定安莊烏撒畢節境內今不可考晉改牂牁爲牂牁從牛屬益州隋屬梁州唐曰牂州武德四年更名牂州尋復宋爲大萬谷樂總管府元屬順元路明屬貴陽府漢郡治在今思南府西秘心傳靖州志云按宋教授陳公顯云靖州古荆蠻牂牁郡楚頃襄王時遣莊躋從沅州伐夜郎軍至且蘭椽船于岸而步戰旣滅夜郎因留滇池以且蘭有椽船處因名牂柯夫夜郎西南夷大國也楚安得滅之且蘭在滇池東亦非今境明矣漢武帝置牂柯犍爲皆夜

郎故區有縣十七有故且蘭沅水所出卽今州之北
沅州與武陵長沙南越錯壤各有蠻落而此又一囊
穴也岡嶺崇複軌道四塞南聯粵越東障長沙北及
武陵而株連牂柯之東西隅于今爲湖南北廣西之
窮陬于唐爲誠州元和中會溪蠻南鈞牂柯以叛中
丞柳公綽自潭帥師屯武岡平之五代之亂蓋附于
楚宋建隆三年節度使周行逢死諸酋長各以其地
自爲長雄太平興國四年誠州長楊通蘊納欵五年
楊通寶來貢命爲誠州刺史後土貢不絕章子厚開
梅山之歲兩路招納後五年當熙寧九年始得誠州
爲中國州自此始矣元祐二年改爲渠陽軍崇寧二

年楊晟臻納貢賜名靖州凡縣三永平爲治邑據元志云且蘭唐之播州靖誌以此州芙蓉堡羅濛當之然唐播州郡宋廢爲播州城羅濛後爲遵義今廢爲寨去此絕遠其誤益甚惟夜郎壤地愈闊可以通稱唐初屢以名縣元和二年州廢縣隸臻州終唐之世臻有夜郎今隸瀘州乃太白長流處謫仙竄夜郎孫季良又謂唐珍州也唐凡四夜郎而獎敘之夜郎爲今沅州縣爲古夜郎靖其夜郎牂柯之方隅也與

又東過魚復縣南

春秋時庸國之魚邑文公十年魚人逐楚師漢置屬巴郡章武二年更名永安仍爲巴東郡治晉太康元

年復名魏更名人復唐貞觀二十三年更名奉節屬夔州治

夷水出焉又東出江關入南郡界

史記六國表秦昭王二十九年白起拔郢更東至竟陵以爲南郡漢改臨江郡尋復吳曾移治江南南平郡唐曰江陵府元曰中興路明曰荊州府

又東過巫縣南

秦置屬南郡三國初屬蜀昭烈章武中入吳晉屬建平郡隋曰巫山屬巴東郡唐屬夔州今屬江西

鹽水從縣東南流注之又東過秭歸縣之南

古歸國漢景帝置屬南郡蜀漢屬江陵郡晉屬建平

郡齊屬巴州隋屬巴東郡唐武德二年爲歸州治宋
端平初元兵至徙治江南曲沱次徙新灘又徙白沙
又徙南浦今州治明省入歸州

又東過夷陵縣南

漢都尉治屬南郡吳改曰西陵屬宜都郡晉太康元
年復舊名梁宜州治西魏拓州治周峽州治隋夷陵
郡治唐仍峽州宋末屬遷治元復明省入峽州府
又東南過夷道縣北

漢屬南郡三國屬宜都郡隋開皇七年改屬夷陵郡
唐貞觀八年省入宜都郡

夷水從佷山縣南東北注之

漢屬武陵郡東漢改屬南郡三國屬宜都郡晉太康
元年改曰興山尋復通志云大業初更名長楊尋析
其江北地置睦州尋廢州隋書云開皇八年置并立
睦州十七年州廢改屬南郡陳芳績曰按長楊是隋
別置非卽佷山其廢佷山縣在今同昌市長楊唐武
德四年爲睦州治八年改屬東松州後屬峽州繼涵
按漢地理志夷水出巫山東至夷道入江過郡二行
五百四十里應劭曰巫山在巫縣西南與水經異
又東過枝江縣南

古羅國秦置縣屬南郡唐上元元年省入長寧大曆
六年復置屬江陵府明洪武二十三年省入松滋尋

復置屬荊州府

沮水從北來注之又南過江陵縣南

漢析郢置屬南郡晉荊州治元中興路治明荊州府治

又東至華容縣西夏水出焉

古雲夢地屬南郡陳芳績曰楚子築章華臺其間特置容城許遷縣之得名疑合容城章華言之也隋別移宋至和中以水患遷復故城屬岳州

又東南當華容縣南涌水入焉

戴氏曰近譌涌水出焉攷涌水乃夏水枝分入江者非從江出蓋後人因注文江水又東涌水注之譌爲

經嫌與之複妄改入作出耳

又東南油水從西南來注之又東至長沙下雋縣北

漢屬長沙國三國分屬吳昌郡晉屬長沙郡宋元嘉十六年改屬巴陵郡隋省入蒲圻唐天寶二年開山洞卽其地置唐年縣屬江夏郡楊吳順義七年更名崇陽宋屬鄂州熙寧五年析崇陽置通城縣元屬武昌郡

澧水沅水資水合東流注之湘水從南來注之又東北至江夏沙羨縣西北

漢屬江夏郡吳省晉復治夏口屬武昌郡宋更名汝南爲郢州治隋開皇初更名江夏治塗口唐鄂州治

水經釋地卷六
九
元屬武昌路明屬武昌府

沔水從北來注之又東過邾縣南

楚滅邾徙其君于此漢立爲縣屬江夏郡曹魏爲雄
鎮晉改屬弋陽郡永嘉後移西陽縣治故邾城上流
五里唐中和五年隨黃州遷治古邾城臨江與武昌
相對曰黃岡宋屬黃州

鄂縣北

秦屬南郡漢屬江夏吳甘露初更名武昌晉又分武
昌置鄂隋復省入武昌宋壽昌軍治元屬武昌路明
屬武昌府

又東過蘄春縣南

漢屬江夏郡晉改屬弋陽郡孝武改名蘄陽宋大明八年改屬西陽郡隋開皇十八年復名蘄春唐蘄州治宋景定四年遷治麒麟南爲蘄州治明洪武九年省入蘄州今州北六十里羅州故城是

蘄水從北東注之又東過下雉縣北

漢屬江夏郡吳分屬武昌郡晉義熙中省入陽新南唐以其爲大治通山二縣

利水從東陵西南注之

案水經于沔水內敘其入江之後所過蓋與江水合沔之後詳畧兩見今江水止于下雉縣而沔水內訂其錯簡又東過彭蠡澤又東過皖縣南又東至石城

分爲二其一東北流又東北出居巢縣又東過牛渚
又過毗陵縣爲北江參以末記禹貢山水澤地北江
在毗陵北界東入于海下雒縣以下大江入海之大
略固具在道元于江水敘次必詳悉自宋時已闕逸
矣

夷水

夷水出巴郡魚復縣江東南過佷山縣南又東過夷道
縣北東入于江

夏水

夏水出江津于江陵縣東南東 華容縣南又東至江
夏雲社縣入于沔

漢屬江夏郡後漢析置南新市縣晉元康九年分屬
竟陵郡梁更名竟陵屬沔陽郡唐屬復州晉天復元
年更名景陵宋末徙治無常元復明屬沔陽州陳芳
績曰竟陵雲杜自梁隋之時一存一廢或遷治或更
名二城遂名亂而不詳其本焉故志以景陵爲竟又
以其城爲雲杜城通志以郢爲雲杜地一統志又以
京山爲雲杜地安陸志又以郢爲漢竟陵縣諸說紛
紛莫知所在蓋竟陵之名昉于史記世家漢興因以
爲縣秦漢止一竟陵至晉以下郡縣各一安陸志所
云謂晉竟陵郡治可也謂漢竟陵縣治不可也桑欽
水經沔水東過雲杜又云夏水出江東至雲杜入沔

今夏水入沔處淤塞無攷度其勢當經竟陵地若是則今縣治信雲杜也穀梁傳水北曰陽雲杜在沔北故梁置沔陽郡治此晉書杜預開楊口起夏水達巴陵胡三省引水經注楊水逕竟陵縣北謂之楊口據此則夏水入沔處又當爲竟陵不爲雲杜矣何與欽異乎漢書劉元傳馬武王常拔竟陵擊雲杜李賢註雲杜故城在復州沔陽縣西北竟陵故城在郢州長壽縣南唐太子賢所註沔陽長壽皆自當時郢復二州附郭之縣而言其曰沔陽西北者正今景陵治益可見其爲古雲杜矣其曰長壽南者則無其地水經書傳漢書皆云章山古之內方在竟陵東北而荆門

安陸漢川志俱有章山未知孰是史記正義竟陵在長壽縣西一百五十里頗與賢同水經注巾水西逕楊水謂之巾口水西有竟陵故城古鄖國也今景陵西三十里有巾港港西有城城多荒地蓋自梁已廢正在長壽南百五十里頗與水經注正義合意梁置沔陽郡遂省雲杜而徙竟陵于此爾玉海以沔陽縣爲雲杜豈指今州治耶今州治非梁郡故治恐其說亦誤姑識之以俟博文君子

涇水

涇水出蔡陽縣

漢屬南陽郡晉太康中分屬義陽郡宋大明元年省

梁復置爲蔡陽郡魏爲南雍州治西魏蔡州治隋屬
春陵郡今裕州萊山北五里有蔡陽城

東南過隨縣西

古厲鄉漢屬南陽郡晉太康中改屬義陽郡惠帝分
爲隨郡治宋泰始五年改曰隨陽爲郡治齊復曰隨
魏大統中爲并州治隋文帝去是
大業初爲漢東郡
治元至元中治黃仙洞後爲賊據明洪武三年州廢
改屬德安十三年升爲州

又南過江夏安陸縣西又東南入于夏

漢屬江夏郡寰宇記春秋時鄖國楚滅之封鬬辛爲
鄖公卽其地陳芳績按郡城今在澗水之濱一名石

潼故城雲夢之澤在焉按漢水入二百里得郢口有
村又三百里得郢城卽楚邑也宋爲安陸郡治唐爲
安州治宋德安府治明洪武九年省入德安州十三
年復爲德安府治

溲水

溲水出江夏平春縣西南過安陸縣入于涓

漾水

漾水出隴西氐道縣嶓冢山

漢屬隴西郡三國後無今在蘭州西

東至武都沮縣

漢屬武都郡三國曰沔蜀以其當要衝分立武興城

遣蔣舒爲武督守之鍾會來伐舒遂降晉復曰沮氏
人楊茂據武都其後楊鼠分王武興魏爲東益州及
武興郡治西魏爲興州治周遷順政郡治此改曰順
政縣隋順政郡治寰宇記云實興州注云今州治卽
武興序順政云卽漢曲疑魏畧陽僑治于此武興與
漢曲同在一城故其後皆改曰順政唐興州治宋開
禧二年更名畧尋復名屬沔州元改曰畧陽明洪武
七年改屬寧羌州

爲漢水又東南至廣魏白水縣西

漢屬廣漢郡建安二十二年分屬梓潼郡宋屬晉壽
郡西魏改曰永歸寰宇記云本臨津地西魏置唐屬

劍州宋乾德五年廢酈注云白水東南逕白水縣故城東經云漢水出其西非也

又東南至葭萌縣東北

華陽國志云昔蜀王封其弟葭萌于漢中號曰苴侯因命其邑曰葭萌苴侯與巴王爲好巴與蜀爲讐故蜀王怒伐苴侯苴侯奔巴巴爲求救于秦秦惠文王遣張儀司馬錯從石牛道伐蜀蜀王自葭萌禦之敗走至武陽爲秦軍所害秦遂滅蜀因滅巴苴置巴蜀二郡漢屬廣漢郡建安二十二年分屬梓潼郡昭烈更名漢壽晉太康元年更名晉壽西魏改曰興安屬利州隋開皇十八年更名綿谷義成郡治唐利州治

元廣元路明洪武九年省入廣元州復降爲廣元縣
屬保寧府

與羌水合又東南過巴郡閬中縣

秦置以閬水迂曲繞縣三面爲名屬巴郡建安六年
分爲巴西郡治梁北巴郡及北巴州治魏盤龍郡及
龍州治隋閬中治元保寧府治明洪武七年移今治
仍爲保寧府治故城在府東二十里

又東南過江州縣東東南入于江

潛水

潛水出巴郡宕渠縣

秦置屬巴郡漢昭烈分爲宕渠郡尋屬巴西郡宋南

宕渠郡治梁太清元年立景陽郡唐巴州治寶曆元年省入蓬山大中中復置屬蓬州宋乾德三年省在今順慶府北四十里

又南入于江

羌水

羌水出羌中參狼谷又東南至廣魏白水縣與漢水合又東南過巴郡閬中縣又南至墊江縣

漢屬巴郡建安六年分屬巴西郡建興十五年復屬巴郡齊屬益蜀郡梁楚州宕渠郡治西魏恭帝二年改曰石境隋曰石鏡涪陵郡治唐合州治後晉天福七年遙改爲仙覽宋更名石照元屬合州明省入合

州

東南入于江

涪水

涪水出廣魏涪縣西北

漢屬廣漢郡先主分屬梓潼郡曰涪城梁潼州治西魏涪城郡治周西城郡治隋開皇初改曰安城十二年復名屬金山郡唐大曆十三年改屬梓州宋屬潼川府至元二十年省入邽故城在今潼川州西北六十里

南至小廣魏縣

漢曰廣漢屬廣漢郡曹魏改曰小廣魏宋改屬遂寧

郡齊屬寧蜀郡隋開皇初省入通泉唐景龍元年以
廣漢故地置遂寧縣屬遂州至元十九年省入小溪
在今潼州府

與梓潼水合

梓潼水

梓潼水出其縣北界西南入于涪又西南至小廣魏縣
南入于墊江

南沮水

南沮水出漢中房陵縣東山

春秋爲楚之防諸秦置屬漢中郡漢建安十三年改
屬新城郡西魏更名光遷爲光遷國治周爲遷州治

隋屬房陵郡唐貞觀十年復名爲房州治明洪武元
年省入州八年降爲房縣屬襄陽府成化十二年改
屬鄖陽府戴氏云東山近訛淮水二字据漢書改
東南過臨沮縣界

漢屬南郡曹魏改屬襄陽郡宋屬南郡隋省唐武德
四年析當陽復置八年省在今南漳縣地

又東南過枝江縣東南入于江

漳水

漳水出臨沮縣東荆山東南過蓼亭又東過章鄉南又
南至枝江縣北烏扶邑入于沮

沔水

沔水出武都沮縣東狼谷中東過南鄭縣南

漢漢中郡治梁爲北梁州治西魏廢帝三年更名光義隋復名爲漢川郡治唐興元府治今仍

又東過城固縣南

漢屬漢中郡治北城建興七年諸葛亮築更名樂城晉復名北魏武帝遷壻鄉川唐武德二年更名曰唐固貞觀二年復名屬興元府故城在今縣東六里

又東過魏興安陽縣南

漢屬漢中郡東漢末省曹魏復置屬魏興郡晉太康元年更名安康屬魏興郡宋末爲安康郡治隋并屬西城郡魏爲東梁州治蕭詧爲戎州治唐武德元年

爲西安州治貞觀元年并屬金州至德二載更名漢陰宋紹興二年遷治新唐以舊縣爲鎮嘉定三年升激日鎮爲漢陰縣屬金州元省入金州明復置屬金州故縣在今縣西二十四里

涔水出自旱山北注之又東過西城縣南

漢屬漢中郡建安二十年分屬西城郡曹魏屬魏興郡梁南梁州治西魏金州治周省入吉安隋開皇十八年以吉安移治大業三年更名金川爲西城郡治義寧二年復名西城唐金州安康郡治元省入金州在興安州西南三里

又東過堵陽縣

漢屬南陽郡陳芳績曰宋永初郡國有赭陽徐志無
齊置方城縣爲襄城郡治疑卽赭陽城唐武德二年
爲北澧州治貞觀八年魯州治九年改屬泌州宋慶
厯二年省入南陽元豐元年復元裕州治明省入裕
州故城在裕州東六里

堵水出自上粉縣

兩漢及晉志俱無此縣酈注云堵水出建平郡界故
亭谷東厯新城郡郡故漢中之房陵也漢末以爲房
陵郡魏文帝合房陵上庸西城立以爲新城郡以孟
達爲太守治房陵故縣有粉水縣居其上故曰上粉
縣陳芳績曰新城郡疑于建安二十年間改房陵故

有房陵太守而無新城太守魏黃初元年以三郡爲
新城郡是又復故名耳諸書不能詳或曰建安申立
或曰魏文帝立皆誤寰宇記房州房陵縣下粉水源
出房陵縣東北永林山注水經云粉水導源東流經
上粉縣取此水以淘粉則皓曜鮮潔有異衆流又云
粉城因粉水爲名太平御覽引盛宏之荊州記云堵
陽縣有粉水源出房陵縣取其水爲粉鮮潔異于餘
水故因粉爲名也巴郡臨江縣有此水故官獻之也
繼涵按上諸說是上粉爲房陵分縣應是黃初立郡
時所分而晉志失之爾

北流注之又東過鄖鄉南

郡縣志江夏郡竟陵侯國有鄖鄉酈注曰縣故黎也
卽長利之鄖鄉矣地理志云有鄖關晉太康五年立
以爲縣繼通按漢漢中之長利東漢省入錫晉武帝
太康四年復置屬魏興郡五年改爲錫漢漢中之錫
爲春秋之錫穴秦置屬南陽郡漢屬漢中郡建安十
三年改屬新城郡至宋改鄖鄉縣屬魏興郡据酈注
是魏復以錫爲長利然魏之長利今之鄖縣鄖西地
隋以後之長利今之上津縣地也

又東北流又屈東南過武當縣東北

漢屬南陽郡建安十三年分屬南鄉郡晉太康中改
屬順陽郡宋始平郡治齊齊興郡治梁興州及始平

郡治魏武當郡治隋開皇初均州治大業初改屬浙陽郡義寧二年復爲均州治明洪武九年省入均州

又東南過涉都城東北
郡國志筑陽侯國有涉都鄉

又東南過鄴縣之西南

漢屬南陽郡太康中爲順陽郡治梁爲鄴城郡治周省入陰城宋乾德二年置乾德縣于陰城爲光化軍治熙寧五年軍廢更名縣遷治于鄴屬襄陽府元屬襄陽路明屬襄陽府按鄴有二在南陽者音讚在沛者本作鄴音嗟

又南過穀城東又南過陰縣之西

左氏傳遷陰于下陰卽此漢屬南陽郡晉太康中改屬順陽郡江左分屬廣平郡梁屬南陽郡西魏改曰陰城屬鄧城郡周屬襄陽郡唐武德四年屬鄧州五年屬襄州貞觀八年省入穀城爲鎮宋乾德二年析穀城三鎮置乾德縣復遷治鄧城今漢縣在穀城境又南過筑陽縣東

漢屬南陽郡晉太康中屬順陽郡宋大明中爲扶風郡治梁分屬義成郡隋省故城在今穀城東四里案又東過堵陽縣至此原本及近刻並訛在沔水之末以沔水下表目而又東過襄陽縣北至注內附敘三江所終並訛在前以沔水中表目考錫縣故城在今

陝西興安州白河縣東堵陽故城在今湖北鄖陽府
鄖縣西南白河縣東接鄖縣沔水逕錫縣北歷姚方
卽至堵陽又隆中在今襄陽縣西二十里襄陽故城
卽今縣治沔水逕隆中歷孔明舊宅卽至襄陽城移
近刻所謂沔水下者于沔水中之前則敘次不紊矣
今改正

筑水出自房陵縣東過其縣南流注之又東過山都縣
東北

漢屬南陽郡晉屬襄陽郡宋屬新野郡周省入安養
今鄖州南七十里古村城世傳卽漢山都縣城

又東過襄陽縣北

漢屬南郡建安十三年屬襄陽郡今襄陽府

又從縣東屈西南清水從北來注之又東過中廬縣東
漢屬南郡晉屬襄陽郡梁更名穰西魏改曰義清屬
歸義郡隋屬襄陽郡唐屬襄州宋太平興國中復名
中廬屬襄陽府紹興五年省入南漳在襄陽府城南
維水自房陵縣維山東流注之又南過郟縣東北

漢屬南郡晉屬襄陽郡隋無戴氏震云漢書同漢中
志及巴漢志並云房陵縣有維山維水所出近刻作
淮水淮山者誤也

又南過宜城縣東

秦爲鄢縣漢惠帝三年更名宜城屬南郡曹魏屬襄

陽郡南北代省唐天寶七載改梁置率道縣爲宜城
今仍故縣在今縣南九里

夷水出自房陵縣東流注之又東過荆城東

郡縣志引杜預曰當陽縣東有權城疑卽此

又東南過江夏雲杜縣東夏水從西來注之又南至江
夏沙羨縣北南入于江與江合流又東過彭蠡澤又東
北出居巢縣南

漢屬廬江郡梁更名曰蘄隋省入襄安武德二年置
巢縣屬廬州宋太平興國二年分屬無爲軍元屬無
爲州今屬廬州府

又東過牛渚

吳志周瑜傳瑜恩信著於廬江出備牛渚

縣南

酈注謂安得逕牛渚而方界石城戴氏案牛渚乃山名非縣名大江過其北非過其南縣南二寧之上有脫文牛渚在今當塗縣西北二十里石城故城在今貴池縣西七十里道元辯經之誤云不得逕牛渚而方界石城也今攷石城不特在牛渚西且在居巢西居巢故城今在巢縣東北五里漢書地理志丹陽郡石城下云分江水首受江東至餘姚入海餘姚當是餘杭之誤作水經者本之曰至石城縣分爲二其一東北流其一又過毗陵縣北爲北江又東至會稽餘

姚縣東入于海以地望推之訛舛不可通沔水與江
合流又東過彭蠡澤下當云又東過皖縣南又東至
石城縣分爲二其一東北流又東北出居巢縣南又
東過牛渚又過毗陵縣北爲北江其一東至會稽餘
杭縣東入于海則與漢志適協不言北江所終者水
經之末記禹貢山水澤地所在云北江在毗陵北界
東入海大江源委固首尾完備矣然沔水經文自彭
蠡以下在道元時已倒亂道元雖正其失而言之亦
未能明析是以自言緝綜所躔未必一得其實也

又東至石城縣分爲二

漢屬丹陽郡吳永安中分屬故鄣郡晉永和四年分

屬宣城郡隋開皇元年省入南陵九年析南陵西三鄉石城故址置秋浦縣屬宣州唐武德四年爲池州治貞觀元年還屬宣州永泰元年復爲池州治尋徙去東北七十里僞吳順義六年更名貴池縣

其一東北流其一又過毗陵縣北爲北江

秦置曰延陵漢高帝更名毗陵屬會稽郡晉永嘉五年避東海王越世子諱改名晉陵隋爲常州治唐同光中吳揚浦據之遷治晉陵城金斗門外名武進縣屬常州明洪武元年省入武進縣

又東至會稽餘姚縣東入于海

秦置漢屬會稽郡隋開皇元年省入句章唐武德四

水經釋地卷六
年復置爲姚州治七年復屬越州元元貞元年升爲
州明洪武二年復爲縣屬紹興府

涪水

涪水出漢中南鄭縣東南旱山北至安陽縣南入于沔
安陽近訛沔陽按沔水經文東過魏興安陽縣南涪
水出自旱山北注之非沔陽甚明

均水

均水出析縣北山

楚白邑左傳昭公十八年遷許于析實白羽卽此秦
置中鄉縣屬南陽郡漢更名析縣屬宏農郡後漢改
屬南陽郡晉屬順陽郡魏置淅川並立析陽郡周省

入內鄉武德二年析內鄉置淅川縣屬遷州五年省
後復置屬商州金屬鄧州武康軍至元二年省入內
鄉明成化七年析內鄉西南境復置屬南陽府

南流過其縣東又南當涉都邑北

後漢志筑陽有涉都鄉

南入于沔

丹水

丹水出京兆上洛縣西北冢嶺山

漢元鼎四年析商縣置屬宏農郡其地險阻王莽命
明威侯王級曰繞雷之國南當荆楚繞雷者言四面
塞阨屈曲水回繞而雷卽今之盤十二繞後漢改屬

京兆詳見洛水

東南過其縣南又東南過商縣南

古商於秦置商縣屬內史漢武帝分屬宏農後漢改屬京兆晉泰始二年改屬上洛郡宋屬梁州南上洛郡東魏屬洛州之上庸郡隋屬上洛郡唐屬商州金貞元二年省入上洛爲鎮明成化十三年析商州置屬商州

又東南至丹水縣

春秋三戶地漢屬宏農郡後漢改屬南陽郡晉分屬順陽郡周改屬淅陽郡唐省陳芳績曰南陽府志載括地志云故丹水城在內鄉西南一百三十里南去

丹水二百步彼所謂內鄉實今西峽口以道里推之當在上白亭保近有大水泛出漢丹水縣丞功勳碑在鮎魚岸側可驗舊志謂赤眉城爲丹水縣非是在今內鄉西南一百二十里

入于均

粉水

粉水出房陵縣東流過郢邑南又東過穀邑南東入于沔

清水

清水出宏農盧氏縣支離山東南過南陽西鄂縣西北漢屬南陽郡陳芳績曰宋永初郡國有徐志無故城

在今南陽府北五十里

又南過宛縣南

古申伯國秦置漢屬南陽郡周省入上陌隋開皇初復更名南陽屬鄧州改屬南陽郡唐武德三年爲宛州治八年還屬鄧州聖歷元年更名武臺神龍初復故名宋屬鄧州武勝軍元屬南陽府

又屈南過育陽縣東

漢屬南陽郡後漢曰育陽邑晉孝武更名云陽隋省唐武德三年復置八年省入南陽今在南陽府東洧水陽南陽縣志云在縣南瓦店保又云南七十五里又南過新野縣西

漢屬南陽郡宋元嘉末省大明元年復置爲新野郡
沿周省魏分爲西棘陽隋開皇以西棘陽爲新野唐
乾元元年省元復置屬鄧州

又南過鄧縣東南入于沔

湍水

湍水出酈縣北芬山

漢屬南陽郡隋開皇初更名菊潭縣唐初爲朱粲所
屠凋殘遂廢卽今南酈城也開元二十四年析新城
之北鄙復置菊潭縣屬鄧州後無漢縣在今內鄉東
北屯頭保卽南酈城唐縣亦在內鄉東北屯頭保卽
北酈城

南流過其縣東又南過冠軍縣東

漢武帝析穰置以封霍去病以其功冠諸軍故名屬南陽郡後漢曰冠軍邑魏太和二十二年析北境置新城西魏更名臨湍唐貞觀元年省入臨湍在今鄧州西北五十里

又東過白牛邑南又東南至新野縣東入于清

比水

比水出比陽東北太胡山

漢屬南陽郡宋屬廣平僑郡魏爲西郢州治西魏瀉州治周貞昌郡治隋大業省戴氏云比近訛泚三十一卷泚水亦訛作泚漢書地理志南陽郡比陽應劭

曰比水所出東入蔡又廬江郡灄縣泚山泚水所出
北至壽春入芍陂師古曰音比又布几反今据以定
二水之名

東南流過其縣南泄水從南來注之又西至新野縣南
入于滄

白水

白水出朝陽縣西

漢屬南陽郡晉太康中分屬義陽郡宋改屬順陽郡
隋後無故城在南陽府東朝水之陽俗呼刁城或云
在鄧州南八十里北屬鄧州境南屬襄陽境俗呼爲

朝王城

東流過其縣南又東至新野縣南東入于清

蘄水

蘄水出江夏蘄春縣北山南過其縣西又南至蘄口南
入于江

水經釋地卷六終

水經釋地卷七

曲阜孔繼涵誦孟

沫水

沫水出廣柔徼外

廣柔縣漢屬蜀郡後漢靈帝分屬汶山郡周置北川縣卽其地今石泉縣也石泉唐貞觀八年析汶山置漢廣柔縣在今汶川縣西七十里

東南過旄牛縣北

古旄地漢屬蜀郡東漢延光元年改屬蜀郡屬國都尉三國屬漢嘉郡宋屬沈黎郡隋初爲大渡戍大業二年改爲陽山鎮唐武德元年析臺登置陽山縣屬

登州州廢屬雅州貞觀二年屬黎州天寶元年更名
通望縣宋慶曆八年省入漢源在大渡河北漢水西
又東至越巂靈道縣出蒙山南

漢屬越巂郡蜀都賦關靈關以爲門蓋其關甚險晉
改護龍縣後無

東北與青衣水合東入于江

青衣水

青衣水出青衣縣西蒙山

漢屬蜀郡陽嘉二年更名漢嘉延光元年改屬蜀郡
屬國都尉三國漢嘉郡治宋屬晉原郡隋後無在名
山縣境

東與沫水合也至犍爲南安縣入于江

漢屬犍爲郡唐武德五年省入洪雅縣貞觀七年復置八年省在今嘉定州境

若水

若水出蜀郡旄牛徼外東南至故關爲若水也

契臯倪氏曰金沙江卽若水土名穆魯烏蘇發源于旄牛石下旄與麓通故名麓水後訛爲麗此麗江所由稱也

南過越巂邛都縣西

古徼外夷地滇之君長數十惟邛都最大武帝誅邛君置邛都縣屬越巂郡宋爲郡治隋析邛都置越巂

縣唐高宗上元二年徙治六會川因更名會川屬雋
州會川爲漢會無地

直南至會無縣

漢屬越雋郡隋無唐上元二年徙邛都于此更名會
川屬雋州五代南詔蒙氏立會同府置立賧元爲永
昌州治明爲迷易所

淹水東南流注之又東北至犍爲朱提縣西爲瀘江水
漢屬犍爲郡永初元年改屬犍爲屬國都尉建武十
八年滇夷反殺長吏益州太守繁勝之退保朱提十
九年遣武威將軍劉尙討平之隋無唐貞觀四年復
置屬南通州八年廢入撫夷寰宇記云武德元年置

安上縣七年改朱提屬曲州陳芳績曰烏撒衛志辨
朱提在今烏撒不在烏蒙也又云唐蒙司馬相如通
道適經烏撒南至滇雲雖云險阻視餘四路猶易往
來繁勝之退保朱提亦在烏撒不在烏蒙古滇說以
朱提註烏蒙非也

滇紀編年引契臯倪氏曰漢武初通夜郎置犍爲郡
以邛笮爲治所今之敘州府也邛在敘西南笮在敘
西北二小國名也今馬湖府嘉定州眉州皆犍爲地
全在四川省次誅且蘭君置牂牁郡初治今之定
番州繼徙治播州又徙治烏邛朱提今遵義府貴陽
府黎平府普安府昭通府臨安府廣西府皆牂牁地

也凡八府州在貴州者五在雲南者三 繼誅邛君

苻侯諸夷震恐皆請臣置吏以邛都爲越嶲郡邛州

爲治所今建昌府理會州鹽井衛雅州府麗江府皆

越嶲地而楚雄姚安屬之黑白二井亦屬越嶲境地

凡三府一州一衛二井在四川者四在雲南者三

以邛苻爲沉黎郡黎州爲治所今安撫司全屬皆其

地也以冉駝爲汶山郡茂州爲治所今威州以及松

潘安綿等處皆其地也全在四川省 以廣漢西白

馬爲武都郡階州爲治所今兩當文成等縣皆其地

也全在甘肅省 最後滇王舉國降以其地爲益州

郡滇池縣爲治所今雲南澂江楚雄姚安大理蒙化

是也全在雲南省 此滇省各郡境土史漢西南夷傳本是分明後世易置紛紜遂成淆混及王莽改鑿爲爲西順郡牂牁爲同亭郡越雋爲集雋郡益州爲就新郡變更錯雜竟至人莫能名且以鉤町換爵之故大結不解者二三十年洎後哀牢內附明帝置永昌郡先主又析越雋屬國置朱提郡犬牙相錯未免小有異同然不聞益州郡移治所而去滇池也後世分益州部益州郡爲二而且云益州刺史統益州郡太守如是則有若冀州豫州亦將更有冀州郡豫州郡乎必不然矣至成都秦時所名漢興易名廣漢至東漢而稱益部亦不知幾時寄治益州于漢州及劉

焉始爲益州牧移治綿竹後因綿竹火復移治成都
焉卒子璋領之先主奪璋地遂自領益州牧卽位後
以諸葛亮領之亮南征分益州爲建寧郡而益州故
治竟不復矣後世以成都本係益州者非也 又按
通典秦有監察御史監諸部漢興省之乃遣丞相史
分刺諸州無常員武帝元封五年始置部刺史掌詔
六條察吏凡十三州焉居部九歲舉爲首相禹貢九
州之外加以幽州及交州朔方而十七初郡不與也
刺史秩六百石成帝綏和九年以刺史位下大夫而
臨二千石輕重不相等乃更爲州牧秩真二千石位
次九卿九卿缺以高第補光武建武十八年復爲刺

史外十二州各一人其一州屬司隸則是所建初郡
十七仍不與也帝以八月巡行所部郡國各遣一吏
迎之境上至則錄囚徒考殿最初歲盡詣京師奏事
中興以來但因計吏不復自詣京師皆有從事假佐
至靈帝中平五年天下方亂故太常劉焉建議以爲
四方兵寇由于刺史權輕且用非其所致宜改置
牧伯選清名重臣以居其任會刺史郤儉賦斂煩擾
謠言遠聞而耿鄙張懿劉虞爲盜所殺朝廷遂從其
議選列卿尙書爲州牧以本秩居任以劉焉爲益州
劉虞爲幽州州牧之任自此始重矣以此觀之益州
之有牧斷自劉焉始在前十三州置刺史益州固未

嘗有也通志序李暠拜益州太守與益州刺史龐芝
同討叛蠻云云似誤恐是遣李暠代任而互相宣力
不可知耳蓋改益州郡爲建寧郡分永昌建寧爲雲
南郡分建寧牂牁爲興古郡俱領于益州刺史實在
蜀漢時自此成都方崙爲益州耳周昱按倪氏說以
益州有牧始自劉焉似已至其言益州只有郡太守
並未置部刺史而引武帝分十三部于禹貢九州之
外加幽州交州朔方爲証殊不知改雍爲涼改梁爲
益漢書地理志業有明文且如王尊王陽張喬輩先
後爲益州刺史載在前後漢書者不一而足不特龐
芝爲無可疑也若云旣有益州郡太守卽不應更有

益州部刺史何以既有朔方郡太守又有朔方部刺史乎至稱成都秦時所名漢興易名廣漢按地理志成都縣隸蜀郡此外另有廣漢郡未聞卽改成都爲廣漢更不當混而一之者也要之益州在西漢時已有刺史其治所在雒卽今漢州毫無疑義固不必徒逞臆斷也

又東北至燹道縣入于江

淹水

淹水出越巂遂久縣徼外

漢元封二年開置屬越巂郡建興二年分屬雲南郡
晉後無

東南至蜻蛉縣

漢元鼎六年屬越巂郡建興二年分屬雲南郡晉成
帝改屬興寧郡隋無唐武德四年復置屬西僕州後
屬髻州至宋段氏名大姚堡元初置大姚堡二千戶
所至元間改大姚縣屬姚州明屬姚安軍民府

又東過姑復縣南

漢屬越巂郡建興二年分屬雲南郡劉宋更分束姑
復西姑復齊仍之後無

東入于若水

油水

油水出武陵孱陵縣西界

漢屬武陵郡陳芳績曰魏氏春秋言劉備在荊州所
都改曰公安誤也楚志云獻帝建安中以備爲左將
軍領荊州牧而備營油河口俗號左公邑因以全始
號公安江表傳曰周瑜爲南郡守分南岸地以給備
備別立營于油河口故名公安是公安之名指油河
口劉備營而言若孱陵則直至隋而後改名公安袁
宏道作公安志其論甚詳亦未及此晉太康元年分
屬南平郡隋平陳時更名公安唐屬荊州江陵郡宋
嘉熙中遷治油河口之東南屬江陵府袁中郎公安
志云晉江安卽今治元屬荊州路明屬荊州府

東過其縣北又東北入于江

澧水

澧水出武陵充縣西歷山

漢屬武陵郡吳孫休永安六年改屬天門郡晉省入
澧中岳志云卽今九谿城業九谿衡去慈利北九十
里又有充城去慈利西二百四十里相傳在九谿西
北或云桑林山水清曠是其地

東過其縣南又東過零陽縣之北

漢屬武陵郡吳永安六年爲天門郡治周建德中爲
北衡州治故城在今慈利縣東三里慈利隋開皇中
曰零陽十八年更名慈利屬崇州大業初改屬澧陽
郡元元貞元年升州明洪武二年改爲縣屬澧州隆

慶四年遷治于澧陽山鬱富塔坪其廢城在今縣南
二百里

又東過作唐縣北

後漢建武二十六年析孱陵置屬武陵郡晉太康初
屬南平郡隋開皇初更孱陵曰公安而更作唐曰孱
陵唐貞觀元年省入安鄉及公安故城在今公安西
南二十五里大光村

又東至長沙下雋縣西北東入于江

沅水

沅水出牂牁故且蘭縣

故且蘭侯邑漢元鼎六年誅且蘭君置郡陳芳績曰

雲南省志云元封五年置五縣屬牂牁郡曰故曰且
蘭曰平夷曰漏臥曰句町未知何據隋開皇初爲牂
牁縣郡治唐武德二年更名建安縣爲牂牁治後無
爲旁溝水又東至鐔成縣

漢屬武陵郡晉安帝省入沅陵在今黔陽縣東

爲沅水東過無陽縣

漢屬武陵郡縣境北拒天門漢中南極郡陽武岡縣
西接寧州牂牁在舞水之陰東漢省入辰陽晉太康
中復置屬武陵郡陳屬沅陵郡隋開皇九年省入辰
陵在今辰溪縣北

又東北過臨沅縣南

漢屬武陵郡梁爲武州及武陵郡治隋開皇初更名
武陵朗州武陵郡治宋常德府治

又東至長沙下雋縣西北入于江

延江水

延江水出犍爲南廣縣

漢屬犍爲郡三國屬朱提郡晉懷帝分爲南廣郡治
隋仁壽初更名南溪縣屬犍爲郡唐戎州治宋乾德
中移治舊奮城屬戎州元屬敘州

東至牂牁縣

漢屬牂牁郡晉永嘉五年改屬平夷郡隋無

又東屈北流至巴郡涪陵縣注更始水

漢屬巴郡在其南鄙建安六年分爲涪陵郡周更名
曰漢平隋開皇三年遷治枳唐貞觀四年隨黔州遷
治曰彭水縣宋紹慶府治明改屬重慶府

又東南至武陵酉陽縣

漢屬武陵郡蜀漢別置于涪陵界隋無寰宇記云蜀
漢酉陽在今三奇縣西一百九十餘里漢酉陽在溪
州大鄉界與黔州相去千餘里隋圖經及貞觀地志
並言劉蜀所置卽漢縣蓋誤

入于酉水酉水東南至沅陵縣

漢析下雋置屬武陵郡陳爲沅陵郡治唐爲辰州治
今仍之

入于沅

資水

資水出零陵都梁縣路山

漢屬零陵郡吳寶鼎元年分屬邵陵郡晉武帝析都梁置武岡縣隋平陳時省入邵陽在今武岡州東五里

東北過夫夷縣

漢屬零陵郡吳寶鼎元年分屬劭陵郡晉更名扶縣宗書云疑是避桓温諱更名隋平陳時省入邵陽陳芳績曰新寧縣志隋省夫夷入邵陽唐爲蒔竹縣考唐書無之

又東北過邵陵縣之北

秦置曰始陵縣漢屬長沙國吳更名曰邵陵隋無唐武德四年復置屬邵州五年省入邵陽在今邵陽縣境汝南郡西漢之召陵縣爲春秋之召陵隋大業省入鄖城在今鄖城東三十五里非此地也

又東北過益陽縣北

秦置屬長沙國吳太平二年分屬衡陽郡隋改屬長沙郡唐遷治宋初改屬鼎州尋復元元貞二年升州明洪武二年復爲縣屬長沙府

又東與沅水合于湖中東北入于江也

湘水

湘水出零陵始安縣陽海山

漢屬零陵郡吳甘露元年分立始安郡于此唐貞觀八年更名臨桂縣爲桂州治宋靜江府治元靜江路治明桂林府治

東北過零陵縣東

秦置屬長沙郡漢武帝元鼎六年爲零陵郡治隋平陳時省入湘源五代馬氏于此置東安場宋雍熙元年升爲東安縣屬永州

又東北過洮陽縣東

漢屬零陵郡隋平陳時省入湘源唐武德四年復貞觀八年省晉天福中馬氏更湘源爲清湘明洪武初

省清湘入全州今洮陽故城在全州北三十五里

又東北過泉陵縣西

漢屬零陵郡隋開皇初更名零陵今屬永州府

又東北過重安縣東

西漢名鍾武屬零陵郡東漢永建三年更名重安晉

屬衡陽郡齊屬湘東郡隋省入衡山

又東北過酃縣西

漢高帝置屬長沙國吳分屬湘東郡晉太康二十年

省入臨蒸今故城在衡州府東十二里

承水從東南來注之又東北過陰山縣西

秦置屬長沙郡晉屬湘東郡隋省入湘潭

沘水從東南來注之又北過醴陵縣西

東漢析臨湘縣置屬長沙郡本志作析湘南恐誤隋省入長沙唐武德四年復屬潭州元元貞元年升州明洪武二年復爲縣

漉水從東南來注之又北過臨湘縣西

秦置湘縣爲長沙郡治漢高帝更名臨湘晉永嘉中併立湘州治此隋開皇更名長沙縣唐潭州治

瀏水從縣西北流注之又北瀉水從西南來注之又北過羅縣西

楚文王徙羅子國自枝江居此秦置縣屬長沙郡隋屬巴陵郡義寧中改曰羅川唐武德四年省入湘陰

今在淵陰東八十里陳芳績曰平江古蹟中亦有廢
羅縣在故縣鄉八都秦置後漢遷十五里爲中縣又
有廢中縣去平江二十里五代後唐改平江縣置中
縣址存

澗水從東來流注之又北邊下雋縣西微水從東來流
注之又北至巴邱山入于江

鍾水

鍾水出桂陽南平縣都山

漢屬桂陽郡六朝省入臨武陳芳績曰隋志無考疑
梁陳間省唐咸亨二年復置天寶二年更名藍山縣
移治屬郴州宋崇德元年改屬桂陽軍宋末遷今治

明洪武元年改屬郴州二年復屬桂陽州唐藍山故縣在今縣北十五里漢南平故縣在今縣東五里

北過其縣東又東北過宋渚亭又北過鍾亭與淮水合又北過魏盜縣之東

後漢永和九年析郴縣置屬桂陽郡吳甘露元年更名陽安晉太康元年更名晉盜隋平陳時更名晉興唐貞觀八年省咸亨三年復更名資興晉天福初省爲寨宋嘉定四年復置紹定中爲尚毗所殘遷治管子壕尋更名興盜故城在桂陽州北三十里酈注云雞水卽桂水也魏盜故陽安也縣南西二面阻帶清溪桂水無出縣東理蓋縣邑流移今古不同故也

又東北入于湘

深水

深水出桂陽廬聚

繼涵按晉析郴置桂陽陳武帝更名廬陽疑卽廬聚
西北過零陵營道縣南

漢屬零陵郡唐天寶更名宏道宋建隆元年復名明
洪武九年省入道州

又西北過營浦縣南

漢屬零陵郡東晉分屬宮陽郡隋省入永陽永陽今
永明縣

又西北過泉陵縣西北七里至燕室邪入于湘

耒水

耒水出桂陽郴縣南山

秦置義帝都此漢屬桂陽郡宋郴州治元至元十三年更名郴陽明洪武九年省入郴州

北過其縣之西又北過便縣之西

漢屬桂陽郡宋省入郴陳復置隋復省入郴唐開元十三年析郴北鄉置高陵縣天寶元年更名高亭去便五十里宋熙寧六年從李士燮議遷高陵于便之故基更名永興屬郴州

又西北過耒陽縣東

秦置耒縣屬長沙郡漢曰耒陽屬桂陽郡建武中自

九經考異卷一
一四
鷺山口移桂陽郡治此梁元帝移治鷺山口隋更名
涑陰屬衡州陳芳績曰縣志載耒陰城在鷺山口今
夷爲大陂市可見鷺山口大陂市一處也唐武德四
年復舊名復舊治元至元十九年升州明洪武八年
復爲縣屬衡州

又北過酃縣東北入于湘

涑水

涑水出茶陵縣上鄉

漢屬長沙國吳太平二年爲湘東郡治隋省入湘潭
唐武德四年復置屬南雲州貞觀元年省入攸聖歷
元年復置屬衡州晉屬潭州宋紹興中升軍後復爲

縣嘉定四年因平黑風峒析茶陵之霞陽常平康安
三鄉立酃縣洙水之陽屬衡州元至元十九年升州
西北過其縣西又西北過攸縣南

漢高帝析陰山置屬長沙國齊屬湘東郡隋省入湘
潭唐武德四年復爲南雲州治貞觀元年屬衡州元
元貞元年升州明洪武二年復爲縣屬長沙府

又西北過陰山縣南又西北入于湘

漉水

漉水出醴陵縣東漉山西過其縣南屈從縣西西北流
至漉浦注入于湘

漉水

漣水出連道縣西資水之別

漢屬長沙國晉省入湘鄉

東北過湘南縣南

秦置漢屬長沙國吳屬衡陽郡梁更名湘潭隋屬衡
州唐元和復屬潭州元貞元年升州明洪武二年
復縣屬長沙府

又東北至臨湘縣西南東入于湘

瀏水

瀏水出臨湘縣東南劉陽縣

吳析臨湘縣置屬吳昌郡晉屬長沙郡隋省入長沙
唐景龍二年復屬潭州元貞元年升州明洪武二

年復遷治屬長沙府吳故城在今居仁鎮

西北過其縣東北與澗水合西入于湘

澗水

澗水出豫章艾縣

治修水東北漢屬豫章郡陳永定三年分屬豫寧郡
隋開皇九年省入建昌唐貞元十五年析武寧置分
寧縣元大德五年爲寧州治明改爲寧縣屬南昌府
宏治十六年升州漢城在今寧州西一百里
西過長沙羅縣西又西至磊石山入于湘水

廬江水

廬江水出三天子都北過彭澤縣西北入于江

漢屬豫章郡吳改屬武昌郡晉初屬豫章郡永嘉元年改屬尋陽郡陳芳績曰永嘉應是永興卽立郡時分屬齊屬尋陽郡梁太原郡治隋開皇九年改曰龍城十八年復名屬江州唐武德五年徙治浩山下爲浩州治八年歸江州南唐昇明二年徙治小孤江次漢城在湖口東三十里唐城在今縣南二十里

山海經曰廬江出三天子都入江彭澤西吳任臣注引汪循率山記云或以績之大鄣山爲山海經所稱三天子都非也水經漸江出三天子都在率東廬江出三天子都入彭蠡在率西今維率山之水山陰山陽一東一西而流入江者與古脗合嘗遊率山見巨

石上鐫天子都字筆畫摹索可驗其處有仙人跨澗
□□風嶺獨枕山近三天子石有圓土岡東西有搖
鼓尖振衣岡中擁小石岡竊謂兩巨中小以小爲尊
此卽三天子都也又錢氏黃山記載新安吳時憲曰
黃山有最高峯曰三天子都東西南北皆有鄣婺有
三天子鄣南鄣也匡廬亦稱天子鄣西鄣也績溪有
大鄣東北鄣也天都爲天子都率山匡廬大鄣爲天
子都之鄣其說似爲允云

贛水

贛水出豫章南野縣

漢屬豫章郡初平二年改屬廬陵郡晉太康二年分

屬南康郡唐開皇九年省

西北過贛縣東

漢高帝六年使灌嬰畧定江西置縣以防趙佗屬豫章郡初平二年屬廬陵郡吳嘉禾五年屬南部都尉太康三年爲南康郡治徙葛姥故城宋徙于贛水東梁徙于贛水南貞觀九年徙復舊治爲虔州治

又西北過廬陵縣西

秦屬九江郡漢屬豫章郡興平元年孫策改曰西昌晉屬廬陵郡隋開皇十年省入安豐大業八年移泰和縣治此十二年陷于林士宏唐武德五年林士宏降以縣爲南平州治八年還屬吉州貞觀五年以常

經寇陷徙歸故城乾元三年又徙于白下驛今秦和縣也漢故城在縣西三里

又東北過石陽縣西

東漢永元中析新淦置屬豫章郡後省入平都初平二年析廬陵平都贛章雩都南野□□復置屬廬陵郡隋更名廬陵爲廬陵郡治唐開耀元年遷治永淳元年吉州亦徙治于此南唐保大八年析廬陵水東十一鄉置吉水縣漢石陽故城在今吉水縣東北二十里陳芳績曰石陽故城吉安府志一云在吉水東北二十里一云在泰和西北三十里石陽坳明一統志云在新淦東南五十里按水經贛水西北過廬陵

縣西又東北過石陽縣西又東北過新淦縣西以此推之泰和之石陽反在廬陵之南贛水之西非矣其在新淦者府志既無但見一統志又似不臨贛水恐亦未確惟在吉水者合水經當以爲是

又東北過漢平縣南

東漢中平中析宜春置屬豫章郡吳更名吳平隋開皇十一年省入宜興故城在今新喻縣東一百十里又東北過新淦縣西

秦始皇二十五年置屬九江郡漢屬豫章郡都尉治興平三年爲南部都尉治陳永定間屬巴山郡舊在清江鎮隋開皇十年徙南市村屬吉州南唐屬洪州

宋淳化三年分屬臨江軍元元貞元年升州明洪武
初復爲縣屬臨江府漢故城在臨江府東六十里

又東過南昌縣西

漢屬豫章郡隋開皇九年省入豫章唐武德五年復
寶應元年更名鍾陵貞觀中復故名爲洪州治南唐
交泰二年爲南昌府治宋太平興國七年析南昌置
新連縣附洪州郭陳芳績曰按圖經南昌三改五遷
隋開皇中自郡西徙之城北唐貞觀中徙附郡城歷
宋元爲附郭縣

又北過彭澤縣西北入于江

水經釋地卷七終